

21 հունիսի 2021թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 020189 /18
ՎԱՐՉԱԿԱՆ ԻՐԱՎԱԽԱՒԱՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵՎ իրավաբանական վարչության պետ Ա. Մնացականյանս, ուսումնասիրելով 21.06.2021թ. թիվ 20189 վարչական իրավախախտման վերաբերյալ արձանագրությունը, քննելով վարչական իրավախախտման վերաբերյալ թիվ 20189 գործը և կից նյութերը,

ՊԱՐԶԵՑԻ

Անհատ ձեռնարկատեր Մարինե Վարազդատի Գրիգորյանի (ՀՎՀՀ 49717408) հարկային պարտավորությունները՝ համաձայն հարկային մարմնում առկա անձնական հաշվի քարտի տվյալների 26.04.2021թ. դրությամբ կազմում է 206.147 դրամ, որից 20.000 դրամն առաջացել է 2020թ. շահութահարկի տարեկան հաշվարկից, 30.360 դրամն՝ 2021թ. մարտ ամսվա եկամտային հարկի հաշվարկից, 130.513 դրամն՝ 2021թ. 1-ին եռամսյակի շրջանառության հարկի հաշվարկից:

Մարինե Վարազդատի Գրիգորյանի (ՀՀ Արարատի մարզ, Հայանիստ, Վանի փողոց 7, անձնագիր՝ AN0356211), կողմից 2020թ. շահութահարկի տարեկան հաշվարկից առաջացած 20.000 ՀՀ դրամ գումարը, 2021թ. մարտ ամսվա եկամտային հարկի հաշվարկից առաջացած 30.360 ՀՀ դրամ գումարը, 2021թ. 1-ին եռամսյակի շրջանառության հարկի հաշվարկից առաջացած 130.513 ՀՀ դրամ գումարը ՀՀ Հարկային օրենսգրքի 136-րդ, 158-րդ, 262-րդ հոդվածներով սահմանված ժամկետներում չի վճարվել, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170³ հոդվածով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացել: Գործում առարկություն կամ բացատրություն առկա չէ:

Այն փաստը, որ Մարինե Վարազդատի Գրիգորյանի կողմից մեկ տարվա ընթացքում կրկին անգամ կատարվել է իրավախախտում, որի համար արդեն ենթարկվել է վարչական տույժի (09.04.2021թ. թիվ 004255/08 որոշում), սույն գործով դիտվում է որպես պատասխանատվությունը ծանրացնող հանգամանք:

Ելնելով վերոգրյալից և ղեկավարվելով ՀՀ Վարչական իրավախախտումների վերաբերյալ օրենսգրքի 32-րդ հոդվածի 2-րդ մասով, 34-րդ, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի, Մարինե Վարազդատի Գրիգորյանի նկատմամբ կիրառել վարչական տույժ՝ 20.000 (քսան հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

ԱՄՆԱՅՈՒՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն Վարչական տույժ նշանակելը վարչական իրավախախտում կատարած անձին չի ազատում այն պարտավորության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումը ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին՝ **900005240487**, վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կառուս: